



Mats- og hæfisnefnd skv. Reglugerð nr. 476/2015

Reykjavík 15.09.2020

Landlæknisembættið,  
Katrínartúni 2, 105 Reykjavík.

Velferðarráðuneytið,  
b.t. Guðrún W. Jensdóttir, lögfræðingur,  
Skógarhlíð 6, 105 Reykjavík,

**Varðandi: Viðurkenningu á hæfi barnaeildar (Barnaspítala Hringsins) á kvenna- og barnþjónustu, aðgerðasviði Landspítala, til að bjóða upphafssérnám í barnalæknisfræði (e. pediatrics).**

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að þann 14.9.2020 var ákveðið að viðurkenna með formlegum hætti og að loknu endurmati allt að tveggja ára upphafssérnám í barnalæknisfræði sem gæti farið fram á barnaeild kvenna- og barnþjónustu aðgerðasviðs (Barnaspítala Hringsins) Landspítalans og tengdum deildum, og eftir atvikum á stofnunum utan spítalans þar sem samvinna er við barnaeildina. Nefndin skal samkvæmt ákvæðum reglugerðarinnar meta hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðinám.

Ákvörðunin var tekin með hliðsjón af endurskoðaðri marklýsingu sem byggir á alþjóðlegum (einkum evrópskum) leiðbeiningum um sérnám í barnalæknisfræði. Marklýsingu var skilað til mats- og hæfisnefndar í apríl 2018 og hún er nú í endurskoðun. Nefndin mun fylgjast með því ferli. Nám og kennsla hófst í maí 2018 með hliðsjón af marklýsingunni. Marklýsingin hefur áður verið send Landlæknisembættinu og Heilbrigðisráðuneytinu.

Mats- og hæfisnefndin fór í formlega úttektarheimsókn á Barnaspítala Hringsins og ræddi við forsvarsmenn og kennslustjóra námsins þann 12. júní 2020. Ekki var þörf á nýjum umsögnum frá stjórn Félags íslenskra barnalækna, framkvæmdastjóra lækninga á Landspítalanum, forstöðumanni fræðasviðsins í barnalæknisfræði við Læknadeild Háskóla Íslands og umsögn Embættis Landlæknis, með tilvísan í 3. mgr., 15. gr. reglugerðar nr. 467/2015. Það mun verða gert þegar endurskoðaðri marklýsingu hefur verið skilað. Fulltrúar úr nefndinni ræddu einnig í sömu úttektarheimsókn við tvo fulltrúa

sérfræðilækna og þrjá sérnámslækna sem eru við nám þar. Meðfylgjandi lýsing á þeirri úttekt er send Barnaspítalanum, Heilbrigðisráðuneytinu, Landlæknisembættinu og öðrum með beina aðild að náminu til kynningar og hún er fánleg hjá nefndinni. Viðmið nefndarinnar vegna matsins taka mið af dönskum og breskum/evrópskum vinnuvenjum og reglum varðandi úttektir á námsstöðum. Í matinu er fjallað um námsaðstæður, þ.m.t. mönnun, umfang og inntak starfseminnar á barnadeild Landspítalans, vinnufyrirkomulag, faglega fundi, kennslu, námstækifæri og leiðsögn sem námslæknar fá, auk samvinnu við aðrar stofnanir og deildir spítalans og önnur skyld atriði. Athugasemdir frá mats- og hæfisnefnd og umsagnaraðilum hafa verið kynntar forsvarsmönnum námsins.

Nefndin viðurkennir hér með barnadeild (Barnaspítala Hringsins) á kvenna- og barnasviði Landspítala sem kennslustofnun í þessari sérgrein læknisfræðinnar. Um er að ræða allt að tveggja ára upphafssérnám með tilvísan í reglugerð nr. 467/2015. Námið er miðað við að um 10 stöður sérnámslækna á deildinni séu setnar á hverjum tíma. Sérnámslæknar úr öðrum greinum, svo sem heimilislækningum, nýta sömu námstækifæri og kennslu eins og við á og þær sérnámsstöður bætast þar við. Námið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala. Viðurkenningin tekur ekki til náms í undirsérgreinum. Sérnáminu mundi ljúka við viðurkennda erlenda stofnun í sérgreininni skv. ákvæðum reglugerðar nr. 467/2015 með síðari breytingum/viðbótum.

Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. haustið 2024, en verður væntanlega endurskoðað á seinni hluta árs 2021 með tilliti til matsniðurstaðna.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

***Afrit:***

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild, Landspítala

Linda Kristmundsdóttir, forstöðumaður, kvenna- og barnþjónustu, aðgerðasviði, Landspítala

Ásgeir Haraldsson, prófessor og forstöðumaður fræðasviðsins barnalæknisfræði, Læknadeild Háskóla Íslands

Ragnar Bjarnason, prófessor og yfirlæknir, Barnaspítala Hringsins, Landspítala

Þórður Þórkelsson, yfirlæknir, Barnaspítala Hringsins, Landspítala

Valtýr Stefánsson Thors, sérfræðilæknir og kennslustjóri, Barnaspítala Hringsins

Ólafur Heiðar Þorvaldsson, sérfræðilæknir, formaður Félags íslenskra barnalækna

Bertrand Lauth, dósent, Barna- og unglíngageðdeild, Landspítala

Engilbert Sigurðsson, prófessor, deildarforseti Læknadeildar Háskóla Íslands

Reynir Arngrímsson, formaður, Læknafélagi Íslands